

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা।

সংবাদ গতিধারা

ঢাকা, বুধবার ৬ মে ২০১৫, ২৩ বৈশাখ ১৪২২

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। বাগেরহাটে বিমানবন্দর আর ফেরীতে হবে ফ্লাইওভার : একনেকে ১০ থ্রিল্য অনুমোদন
- ২। সিএমএইচে বোন ম্যারো ট্রান্সপ্ল্যান্ট বিভাগ উদ্বোধন করলেন প্রধানমন্ত্রী
- ৩। ভারতের পার্লামেন্টে উঠছে সীমান্ত চুক্তি : মন্ত্রিসভায় অনুমোদন
- ৪। পোশাক রপ্তানিতে প্রথম হবে বাংলাদেশ : বাণিজ্যমন্ত্রী
- ৫। সমুদ্র পথে মানব পাচারের বিরুদ্ধে অভিযান অব্যাহত : স্বরাষ্ট্র প্রতিমন্ত্রী
- ৬। তিনি সিটি কর্পোরেশনের মেয়র-কাউন্সিলরদের শপথ আজ
- ৭। ইয়াবা ঠেকাতে সহযোগিতার আশ্বাস দিল মিয়ানমার : কর্মকর্তা পর্যায়ে মিয়ানমার-বাংলাদেশ বৈঠক
- ৮। সাগরে ৬৫ দিন বাণিজ্যিক মৎস্য আহরণ নিষিদ্ধ
- ৯। দরিদ্রদের উন্নয়নে বিশ্বব্যাংক ১৬শ কোটি টাকা ঋণ সহায়তা দিচ্ছে
- ১০। নারী নির্যাতন দমন আইনের তিনটি ধারা অসাংবিধানিক : আপিল বিভাগের রায়
- ১১। বাংলাবাঙ্গা স্থলবন্দর দিয়ে নেপালে ত্রাণ পাঠানো শুরু
- ১২। মাঝেদের অবস্থার সূচকে বাংলাদেশ ১৩০তম

চলমান পাতা/২

১। বাগেরহাটে বিমানবন্দর আর ফেনীতে হবে ফ্লাইওভার : একনেকে ১০ প্রকল্প অনুমোদন

দেশের দক্ষিণ-পশ্চিমাঞ্চলের অর্থনৈতিক কর্মকাণ্ড বাড়াতে বাগেরহাটের রামপালে খানজাহান আলী বিমানবন্দর নির্মাণ করা হচ্ছে। গতকাল ৫ মে মঙ্গলবার জাতীয় অর্থনৈতিক পরিষদের নির্বাহী কমিটির (একনেক) বৈঠকে এ সংক্রান্ত প্রকল্প অনুমোদন দেওয়া হয়েছে। এছাড়া ফেনীতে ফ্লাইওভার নির্মাণে পৃথক প্রকল্প অনুমোদন দেওয়া হয়েছে। কূটনৈতিক অঞ্চলের উন্নয়নে নেওয়া হয়েছে একটি প্রকল্প। রাজধানীর এনইসি সম্মেলন কেন্দ্রে অনুষ্ঠিত একনেক সভায় সভাপতিত্ব করেন একনেক চেয়ারপার্সন প্রধানমন্ত্রী শেখ হাসিনা। বৈঠক পরবর্তী সাংবাদিক সম্মেলনে পরিকল্পনামন্ত্রী আ হ ম মুস্তফা কামাল জানান, বৈঠকে মোট ১০টি উন্নয়ন প্রকল্পের অনুমোদন দেওয়া হয়েছে। এর মধ্যে আটটি প্রকল্প নতুন। এসব প্রকল্প বাস্তবায়নে মোট ১ হাজার ৯১০ কোটি টাকা ব্যয় ধরা হয়েছে। সূত্র-ইত্তেফাক (পৃ.১,ক.৬), সংবাদ (শেষ পৃ.,ক.৩), জনকর্ত (শেষ পৃ.,ক.১), ডেইলি অবজারভার (পৃ.১,ক.২)।

২। সিএমএইচে বোন ম্যারো ট্রান্সপ্ল্যান্ট বিভাগ উদ্বোধন করলেন প্রধানমন্ত্রী

চাকা সেনানিবাসের সম্প্রিত সামরিক হাসপাতালে (সিএমএইচ) বোন ম্যারো ট্রান্সপ্ল্যান্টেশন বিভাগ (অস্থি মজ্জা প্রতিস্থাপন) উদ্বোধন করেছেন প্রধানমন্ত্রী শেখ হাসিনা। গতকাল ৫ মে মঙ্গলবার প্রধানমন্ত্রী এর উদ্বোধন করেন। এছাড়া প্রধানমন্ত্রী সিএমএইচের পোস্ট অ্যানেস্থেটিক কেয়ার ইউনিট, ক্রিটিক্যাল কেয়ার সেটার, ক্যাজুয়ালটি অ্যান্ড ইমারজেন্সি ইউনিটেরও উদ্বোধন করেছেন। উদ্বোধন শেষে প্রধানমন্ত্রী সিএমএইচে চিকিৎসা সেবা বিষয়ে খোঁজ-খবর নেন। এছাড়া তিনি আর্মি মাল্টিপারপাস কমপ্লেক্স এবং সেনা সদর কম্ফারেন্স অ্যান্ড অডিটরিয়াম কমপ্লেক্সেরও উদ্বোধন করেন। এই দুটি ভবন আধুনিক ডিজাইনে নির্মাণ করা হয়েছে। সূত্র-ইত্তেফাক (পৃ.১,ক.৮), জনকর্ত (পৃ.১,ক.৮), প্রথম আলো (পৃ.২,ক.২), ইন্ডিপেন্ডেন্ট (পৃ.২,ক.৭), ডেইলি সান (পৃ.৩,ক.৭)।

৩। ভারতের পার্লামেন্টে উঠছে সীমান্ত চুক্তি : মন্ত্রিসভায় অনুমোদন

৪১ বছর আটকে থাকার পর বাংলাদেশ-ভারত স্থল সীমান্ত চুক্তির খসড়া বিল অনুমোদন করেছে ভারতের কেন্দ্রীয় মন্ত্রিসভা। গতকাল ৫ মে মঙ্গলবার প্রধানমন্ত্রী নরেন্দ্র মোদির সভাপতিত্বে ভারতের মন্ত্রিসভা এ বিলটি অনুমোদন দেয়। আসামকে রেখেই এ চুক্তি বাস্তবায়নের জন্য সংবিধান সংশোধনের খসড়া প্রস্তাবে সিদ্ধান্ত গ্রহণ করে কেন্দ্রীয় মন্ত্রিসভা। আজ ৬ মে বুধবার রাজ্যসভায় এবং আগামীকাল ৭ মে বৃহস্পতিবার লোকসভায় এ বিল পাস করার কথা রয়েছে। এ চুক্তির মধ্যে আশার আলো দেখতে পারবে দুই দেশের ১৬২টি ছিটমহলের প্রায় ৫২ হাজার অধিবাসী। সূত্র-সংবাদ, প্রথম আলো, ইত্তেফাক, ইন্ডিপেন্ডেন্ট, নিউজ টুডে, ডেইলি অবজারভারসহ অধিকাংশ দৈনিক এ বিষয়ে লিড নিউজ ছিপেছে।

৪। পোশাক রঞ্জানিতে প্রথম হবে বাংলাদেশ : বাণিজ্যমন্ত্রী

তৈরি পোশাক রঞ্জানিতে অদূর ভবিষ্যতে বিশ্বে প্রথম অবস্থান দখল করবে বাংলাদেশ। রাজধানীর একটি হোটেলে গতকাল ৫ মে মঙ্গলবার পোশাক ও বস্ত্র খাতের ওপর প্রশিক্ষণ বিষয়ক এক অনুষ্ঠানে প্রধান অতিথির বক্তব্যে বাণিজ্যমন্ত্রী তোফায়েল আহমেদ এসব কথা বলেন। বাংলাদেশ জার্মান চেস্বার অব কর্মস অ্যান্ড ইন্ডাস্ট্রি এবং জার্মানির কোম্পানি এসএপি ট্রেনিং একাডেমি যৌথভাবে এ অনুষ্ঠানের আয়োজন করে। বাংলাদেশের ৫০ বছর পূর্ব অর্ধাংশ ২০২১ সালে শুধু তৈরি পোশাক রঞ্জানি করেই পাঁচ হাজার কোটি ডলার আয় করা যাবে বলে আশাবাদী বাণিজ্যমন্ত্রী। সূত্র-প্রথম আলো (পৃ.১২,ক.৩), ইনকিলাব (শেষ পৃ.,ক.৪), সংবাদ (পৃ.১৪,ক.৩), নিউজ টুডে (শেষ পৃ.,ক.২)।

৫। সমুদ্র পথে মানব পাচারের বিরুদ্ধে অভিযান অব্যাহত : স্বরাষ্ট্র প্রতিমন্ত্রী

স্বরাষ্ট্র প্রতিমন্ত্রী আসাদুজ্জামান খান কামাল বলেছেন, বাংলাদেশ থেকে সমুদ্রপথে মালয়েশিয়া ও থাইল্যান্ডে মানব পাচারকারীদের বিরুদ্ধে আইনশৃঙ্খলা বাহিনীর অভিযান অব্যাহত আছে। তবে সাধারণ মানুষ যাতে এই প্রতারণার শিকার না হয় সে জন্য মিডিয়াসহ বিভিন্ন মাধ্যমে প্রচারণার আরও উদ্যোগ নিতে হবে। গতকাল ৫ মে মঙ্গলবার সচিবালয়ে স্বরাষ্ট্র মন্ত্রণালয়ে প্রতিমন্ত্রীর কার্যালয়ে সাংবাদিকদের প্রশ্নের জবাবে তিনি এসব কথা বলেন। সূত্র-সংবাদ (পৃ.১,ক.৮), জনকর্ত (শেষ পৃ.,ক.৬), সমকাল (পৃ.১৭,ক.৫), ডেইলি অবজারভার (পৃ.৩,ক.৫)।

৬। তিন সিটি কর্পোরেশনের মেয়ার-কাউন্সিলরদের শপথ আজ

ঢাকা উন্নর, দক্ষিণ ও চট্টগ্রাম সিটি কর্পোরেশনের নবনির্বাচিত মেয়ার এবং কাউন্সিলরদের শপথ গ্রহণ অনুষ্ঠান আজ ৬ মে বুধবার। সকাল ১০টায় প্রধানমন্ত্রীর কার্যালয়ে এই শপথ গ্রহণ অনুষ্ঠিত হবে। তিনি মেয়ারকে শপথ বাক্য পাঠ করাবেন স্থানীয় সরকার মন্ত্রী সৈয়দ আশরাফুল ইসলাম। গত ২৮ এপ্রিল অনুষ্ঠিত সিটি নির্বাচনে তিনি মেয়ারসহ অধিকাংশ কাউন্সিলর পদে আওয়ামী লীগ সমর্থিত প্রার্থীরাই জয়লাভ করেন। সূত্র-ইত্তেফাক (শেষ পৃ.,ক.৫), জনকর্ত (পৃ.১,ক.৮), প্রথম আলো (পৃ.১,ক.৮), নিউজ টুডে (পৃ.১,ক.৫), ডেইলি সান (পৃ.১,ক.৬)।

৭। ইয়াবা ঠেকাতে সহযোগিতার আশ্বাস দিল মিয়ানমার

: কর্মকর্তা পর্যায়ে মিয়ানমার-বাংলাদেশ বৈঠক

ইয়াবার আগাসন ঠেকাতে সর্বাত্মক সহযোগিতার আশ্বাস দিয়েছে মিয়ানমার। তাদের আশ্বাসের পরিপ্রেক্ষিতে মিয়ানমারের পূর্ব সীমান্তে অবৈধভাবে গড়ে উঠা ৩৯টি ইয়াবা কারখানার তালিকা দিয়েছে বাংলাদেশ। বাংলাদেশের পক্ষ থেকে এসব কারখানা ধ্বন্দের অনুরোধ জানানো হয়েছে। গতকাল ৫ মে মঙ্গলবার মিয়ানমার-বাংলাদেশ ডিজি মাদক পর্যায়ের দুই দিনব্যাপী বৈঠকের প্রথম দিনে এ অনুরোধ জানানো হয়। সোনারগাঁও হোটেলে অনুষ্ঠিত এ বৈঠকে বাংলাদেশের পক্ষে নেতৃত্ব দেন মাদক নিয়ন্ত্রণ অধিদফতরের মহাপরিচালক (ডিজি) বজলুর রহমান। অপরদিকে মিয়ানমারের পক্ষে নেতৃত্ব দেন ব্রিগেডিয়ার জেনারেল কেওয়াউন। সূত্র-ইন্ডিফাক (শেষ পৃ.,ক.৬), সমকাল (পৃ.৩,ক.৩)।

৮। সাগরে ৬৫ দিন বাণিজ্যিক মৎস্য আহরণ নিষিদ্ধ

বঙ্গোপসাগরে বাংলাদেশের সীমানায় অর্থনৈতিক অঞ্চলে সামুদ্রিক মাছের প্রজনন ও সর্বোচ্চ সংরক্ষণের স্বার্থে আগামী ২০মে থেকে ২৩ জুলাই পর্যন্ত ৬৫ দিন সকল প্রকার বাণিজ্যিক ট্রলারের মাধ্যমে মাছ ও চিংড়ি আহরণ নিষিদ্ধ করেছে সরকার। গতকাল ৫ মে মঙ্গলবার সচিবালয়ে এক সংবাদ সম্মেলনে মৎস্য ও প্রাণিসম্পদ মন্ত্রী মোহাম্মদ ছায়েদুল হক এ তথ্য জানান। তিনি বলেন, আগামী কয়েক দিনের মধ্যেই এ বিষয়ে প্রজাপন জারি করা হবে। সূত্র-সংবাদ (পৃ.১,ক.২), প্রথম আলো (পৃ.২,ক.৫), ইনকিলাব (শেষ পৃ.,ক.২), ডেইলি স্টার (পৃ.১,ক.৬), নিউজ টুডে (পৃ.১,ক.১)।

৯। দরিদ্রদের উন্নয়নে বিশ্বব্যাংক ১৬শ কোটি টাকা ঋণ সহায়তা দিচ্ছে

দরিদ্রদের জীবনমান উন্নয়নে বিশ্বব্যাংক ২০ কোটি মার্কিন ডলারের (১৬০০ কোটি টাকা) ঋণ সহায়তা দিচ্ছে। এতে বিশ্বব্যাংককে বার্ষিক ০ দশমিক ৭৫ শতাংশ হারে সার্ভিস চার্জ দিতে হবে। এ ঋণ ৬ বছরের প্রেস পিরিয়ডসহ ৩৮ বছরে পরিশোধ করতে হবে। প্রকল্পটির আওতায় দেশের অতিদিনি ২২টি জেলার ৫০ লাখ হতদরিদ্র মানুষ উপকৃত হবেন। ২০১৫ সালের ১ জুলাই থেকে ২০২১ সালের ৩০ জুন পর্যন্ত মেয়াদে প্রকল্পটি বাস্তবায়িত হবে। গতকাল ৫ মে মঙ্গলবার রাজধানীর শেরেবাংলা নগরের এনইসি সম্মেলন কক্ষে ‘নতুন জীবন লাইভ্রেড ইস্প্রুভমেন্ট’ প্রকল্পের আওতায় এ ঋণ চুক্তি স্বাক্ষরিত হয়। সূত্র-সংবাদ (পৃ.১, ক.১), জনকর্ত (পৃ.১,ক.৮), প্রথম আলো (পৃ.১৩,ক.৬), ডেইলি স্টার বিজনেস (পৃ.১,ক.৪), ডেইলি সান বিজনেস (পৃ.১,ক.১)।

১০। নারী নির্যাতন দমন আইনের তিনটি ধারা অসাংবিধানিক : আপিল বিভাগের রায়

সুপ্রিম কোর্টের আপিল বিভাগ গতকাল ৫ মে মঙ্গলবার এক রায়ে বলেছেন, ১৯৯৫ সালের নারী ও শিশু নির্যাতন (বিশেষ বিধান) আইনের তিনটি ধারা অসাংবিধানিক। এর মধ্যে দুটি ধারায় ধর্ষণের পর হত্যার দায়ে মৃত্যুদণ্ড ছাড়া বিকল্প সাজার বিধান নেই। একই সঙ্গে ২০০০ সালের নারী ও শিশু নির্যাতন দমন আইনের ৩৪ (২) ধারাও অসাংবিধানিক ঘোষণা করেছেন সর্বোচ্চ আদালত। প্রধান বিচারপতি সুরেন্দ্র কুমার সিনহার নেতৃত্বাধীন আপিল বিভাগের চার সদস্যের বেঞ্চ গতকাল ৫ মে মঙ্গলবার এ রায় ঘোষণা করেন। এ প্রসঙ্গে অ্যাটর্নি জেনারেল মাহবুবে আলম সাংবাদিকদের বলেন, ১৯৯৫ সালে প্রতীত নারী ও শিশু নির্যাতন (বিশেষ বিধান) আইনের ৬ (২), ৬ (৩) ও ৬ (৪) ধারা অসাংবিধানিক বলে ঘোষণা করেছেন সর্বোচ্চ আদালত। সূত্র-প্রথম আলো (পৃ.১,ক.৪), জনকর্ত (পৃ.১,ক.২), যায়ায়াদিন (পৃ.১,ক.২), ডেইলি স্টার (শেষ পৃ.,ক.১), ইন্ডিপেন্ডেন্ট (পৃ.১,ক.৫)।

১১। বাংলাবাঙ্কা স্থলবন্দর দিয়ে নেপালে আগ পাঠানো শুরু

ভূমিকম্পে ক্ষতিগ্রস্ত নেপালের জনসাধারণের জন্য আগ পাঠানো শুরু হয়েছে। গতকাল ৫ মে মঙ্গলবার তেঁতুলিয়া উপজেলার বাংলাবাঙ্কা স্থলবন্দর দিয়ে ১৫টি ট্রাকে ৩৭৫ মেট্রিক টন চাল পাঠানো হয়। প্রধানমন্ত্রী শেখ হাসিনার নির্দেশে দুর্বোগ ব্যবস্থাপনা ও আগ মন্ত্রণালয় নেপালে ১০ হাজার মেট্রিক টন চাল প্রেরণের সিদ্ধান্ত নেন। এরই পরিপ্রেক্ষিতে প্রথমদিনে পঞ্চগড় জেলা প্রশাসনের আগ ভাগ্নার থেকে এ চাল পাঠানো হলো। সূত্র-আমাদের সময় (শেষ পৃ.,ক.১), ইনকিলাব (শেষ পৃ.,ক.৫)।

১২। মায়েদের অবস্থার সূচকে বাংলাদেশ ১৩০তম

বিশেষ মায়েদের অবস্থা সূচকে প্রতিবেশী ভারতের চেয়ে বাংলাদেশের অবস্থা ভালো। মায়েদের পরিস্থিতি নিয়ে ১৭৯টি দেশের মধ্যে বাংলাদেশের অবস্থান এ বছর ১৩০তম। গত বছরও এ একই অবস্থানে ছিল বাংলাদেশ। সেভ দ্য চিলড্রেনের ‘ওয়ার্ল্ডস মাদার্স রিপোর্ট ২০১৫’ থেকে গতকাল ৫ মে মঙ্গলবার এ তথ্য জানা গেছে। সূত্র-প্রথম আলো (পৃ.২,ক.৬), সমকাল (পৃ.১৭,ক.৪)।

সম্পাদকীয়

- ক.** প্রথম আলো, ডেইলি স্টার : বাজার মূল্যের চেয়ে ধানের উৎপাদন ব্যয় বেশি হওয়ায় ক্ষমতার উৎপাদিত ধানের ন্যায়মূল্য প্রাপ্তি নিশ্চিত করতে বাজারদরের চেয়ে বেশি দামে সরাসরি তাদের কাছ থেকে ধান কেনার পাশাপাশি চাল আমদানি বন্ধ করতে প্রয়োজনীয় ব্যবস্থা নিতে সরকারের প্রতি সুপারিশ;
- খ.** ইন্ডিফাক : জ্ঞানভিত্তিক সমাজ প্রতিষ্ঠা করতে বিজ্ঞান শিক্ষার ভিত্তি সুদৃঢ় করার ওপর গুরুত্বারোপ;
- গ.** জনকর্ত : বাংলাদেশে জঙ্গী ও সন্ত্রাস নির্মলে দক্ষ ও প্রশিক্ষিত বাহিনী গড়ে তোলার আহ্বান;

- ঘ. সংবাদ, নিউজ টুডে, ডেইলি সান, ডেইলি অবজারভার : থাইল্যাণ্ডে পাচার হওয়া মানুষের বড় একটি অংশ বাংলাদেশি এ খবরে উদ্বেগ প্রকাশ করে মানব পাচার বন্ধে দেশীয় দালালদের গ্রেফতার করে কঠোর শাস্তির পাশাপাশি আন্তর্জাতিক মানব পাচারকারী চক্রের সঙ্গে এ দেশীয় দালালদের নেটওয়ার্ক ভেঙে দিতে হবে বলে মন্তব্য;
- ঙ. ইনকিলাব : ভূমিকম্পের মতো প্রাকৃতিক বিপর্যয় মোকাবিলায় প্রয়োজনীয় প্রস্তুতি গ্রহণের মাধ্যমে ক্ষয়-ক্ষতি যাতে কমানো যায় সেব্যাপারে নজর দেওয়ার পরামর্শ;
- চ. নিউ নেশন : গার্মেন্টসে কর্মরত অবস্থায় আহত গার্মেন্টস শ্রমিদের চিকিৎসায় আইএলও'র ইন্স্যুরেন্স ক্ষিম চালুর পদক্ষেপের সফল প্রয়োগের ওপর গুরুত্বারোপ;
- ছ. ডেইলি স্টার : অর্থনৈতিক প্রবৃদ্ধি অর্জনে সর্বক্ষেত্রে নারীদের অবদান আছে বলে মত প্রকাশ;
- জ. নিউ নেশন : জলবায়ু ফান্ডের অর্থ প্রযোজ্য খাতে যথাযথ ব্যবহার সুনিশ্চিত করার সুপারিশ জানিয়ে সম্পাদকীয় প্রকাশ করেছে।

উপ-সম্পাদকীয়

জনকর্ত্ত পত্রিকায় প্রকাশিত কলামে বাল্য বিয়ে রোধে প্রয়োজন সামাজিক সচেতনতা বলে উল্লেখ করা হয়েছে।

নিবন্ধ ও ফিচার

সংবাদ পত্রিকায় প্রকাশিত ‘ইসলামী জঙ্গিবাদ মানে ধর্ম ও মানবতার অপমান’ শিরোনামের নিবন্ধে আবদুল খালেক মন্টু সহিংসতা, নাশকতা ও মানুষ মারা কখনো ধর্মের পরিভাষা হতে পারেনা বলে অভিমত প্রকাশ করেছেন।

#

ফাহিমা/মরজিনা/সাইদা/বিপু/২০১৫/৯.০০ ঘট্টা